



國家清史編纂委員會・文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七〇五

寶韋齋類稿九十卷（卷六十三至卷九十） 李 桓 撰

一

養雲山莊文集一卷續文集一卷養雲山莊詩集四卷劉中丞

奏稿四卷 劉瑞芬 撰

二八九

貞石山房詩鈔四卷 王邦璽 撰

四八五

談瀛閣詩稿八卷附詩餘一卷 袁祖志 撰

五一九

度嶺草一卷 許振禕 撰

六三七

三十六顰吟館文鈔一卷 許應鏐 撰

六四九

石堂詩鈔不分卷 伍肇齡 撰

六五三

舫廬文存四卷附外集一卷餘集一卷 張壽榮 撰

六八一

止足齋詩存三卷 銘 安 撰

七八一

寶韋齋類稿卷六十三目錄

尺牘三十五 辛酉年十月

湘陰李 桓齋堂

曾濬生制軍

李次青觀察

劉養素觀察

李少泉觀察

周葭浦大令

鮑春霆提軍

李少泉觀察

吳竹莊觀察

寶韋齋類稿卷六十三目錄

鍾仲甫太守

曾袁浦觀察

曾濬生制軍

劉養素觀察

李次青觀察

李少泉觀察

王心初刺史

左季高京卿

曾濬生制軍

李少泉觀察

吳鈞甫太守

李少泉觀察

曾濬生制軍

吳竹莊觀察

李次青觀察

李少泉觀察

李少泉觀察

寶韋齋類稿卷六十三目錄

曾濂生制軍 十月初一日

敬稟者。信州丁漕一節。以左寺堂函復未便加增。即行中止。已於上月廿八日肅稟上達。並將原函抄呈。諒邀鈞鑒。頃奉廿五日環諭。亦以難於區畫爲慮。仰見權衡至當。洞燭物情。覺前此率爾而陳。未暇深究。重承指示。敬佩笑如。刻下欠解鮑軍萬八之數。已於本日奏齊。即交該營委員起解。至前奉憲札飭即趕籌十萬金赴皖。以濟急需。此次復蒙諭令速湊五萬金。爲前路得勝之餉。稍資點綴。容即設法催提各款。趕緊如數委解。前此鮑軍駐省之際。庫藏空虛。搜羅淨盡。適有贖餉三萬。路過省河。原擬截留以資注挹。因聞安慶盼餉甚切。當即飭令解員姚桂寶。率齊預稿。卷之六十三 尺牘三十五 一

森將原餉於前月廿三日解纜前行。目下想已早投大營收兌。此節十九日稟函內。亦已附達。但聲敘未甚清晰。茲緣諭及。用再附陳。肅此敬請鈞安。

再信屬丁漕新章告示。已於接到左寺堂復示後。卽日專勇徑發上玉等七縣張貼矣。

李次青觀察 十月初一日

昨奉懷玉來書。當卽奉復。頃展廿四日衢州諭。慰悉。壹是鮑軍自河口言返。致李秀成肆意前取嚴州。此時紹甯兩郡。恐無完理。費軍六千餘人。應顧何路。實有山陰道中之苦。滿諸能固守待援。猶是無上妙品也。懸慮之至。杭局月饋能幾萬金。蕭山

三草。恐不可得。懸金以待。來示窮坑難滿之說。諒哉諒哉。此間支應鮑軍九萬金。日內始得就緒。左丈暨信玉各軍巨餉。均因此久不均及。而制帥嚴札立索十萬。分毫無着。令人焦灼莫名。以云參官。則已參至九員之多。以云減收。則已全減十之三四。無如支款過鉅。祇此區區。何以應之。尊處威儀之數。竟有愛莫能助之勢。此中艱苦。計台端必有所聞也。周信號回信附呈。並祈鑒入。手此奉復。敬叩勳安。

柳村事尙無了妥明文。承大力處置。先此奉謝。再苗練已叛。先遣張落刑竄擾襄樊。風聲甚惡。如金翼亭能扼之荆襄間。則鄂事猶可爲。亦恐西入秦晉。此人夙爲皖人切齒。而中郎極護之。實事齋預稿。卷之六十三 尺牘三十五 二

寢至如此。中原塵氛。南北恐將阻絕。惟幸太后臨朝。精細明爽。以停京城官錢局一事。羣荷生成大恩。知此賊亦不足平也。迴鑒係九月廿三日。登極係十月初九日。并以奉聞。

劉養素觀察 十月初一日

日昨交張縣丞呈遞一書。計達水師分防。已讀大移。致爲妥適。惟五百人新勇。此時能卽位置否。又費心多矣。茲有懇者。臺局饒需。萬分支細。日來始將鮑軍三萬全數解去。而制帥暨左寺堂促餉之文。雪片而至。或曰十萬。或曰必須七八萬。不知省庫加洗。即使催提近縣。亦何能立辦巨款。帥軍方克無爲州城。進搗廬郡。左軍方實力固我東防。均不能不立卽多解。桓獨撐孤。

掌。雨月來所籌已廿五萬金。不可謂少。無如出項太鉅。隨到隨空。目下情形。實已智盡能索。今不得已。欲乞老兄助我一臂之力。即於貴邑未完本年丁漕各圖戶。一律通知。趕於日內按照兩院新章。來城完納。各圖局董事。耳目切近。於未完各花戶。罔不周知。中洲爲一邑之望。老兄更不獨一邑之望。如得一手札。遍行各局。轉告各戶。趕完無不踴躍從事之理。查貴邑未完丁銀。尚在二萬未完漕折。尚在萬五。若旬內兩項共得三萬上下。則大可清柜之急。至縣令積疲積玩。業已詳參摘頂。恐益嗒然不復過問。時窮勢迫。特此縷縷奉懇。敬求大力主持而號召之。幸甚感甚。卽叩侍福。並候回玉。

寶韋齋類稿

卷之六十三 尺牘三十五

三

李小泉觀察 十月初三日

廿二日奉復寸牋。計早登覽。日昨接展廿四日惠諭。誦悉種切。萬生之事。別無所難。唯倉卒無開復之計。至此事始末。無足上縈懷抱。我輩據理行事。自顧撲不破也。姚縣丞三萬。日內必到。續解如何。此間解鮑軍九萬後。實已智盡能索。頃督帥諭趕五萬金。以爲攻破泥汊克復無爲之師餉。左帥復叫苦連天。均屬無可應命。債臺高築。非得四十萬金。不克清理巨欠。頃從完善十八州縣中。爲大張網羅之計。未卜能否如願耳。慶文兩公均無消息。令人盼煞。無爲既復。貴郡可望珠還。惟苗練叛迹昭彰。已有官督胡會剿之。論地處長淮。人多驍悍。積久發暢。聲

勢甚張。誰爲爲之。罪有勝於陳奇瑜楊嗣昌者矣。胡帥飾終之典。尚未得悉。吾宗恐難爲繼。全鄂處處可危。令人焦悶。少公回營後。尚無信來。臺局並保四人。昨已具稟印發。當可邀允。孫張兩公非此不可也。外稟稿附呈。希察入通省董金。均改兩起兩駁。前已將會稿遞呈。浙河一日不通。區區者終無起色。有土此有財。諒哉諒哉。縷此奉叩。與居萬福。

周葭浦大令 十月初四日

前奉復函。具領壹是。初批三竿。頃始到省。其餘萬七望眼欲穿。

寶韋齋類稿

卷之六十三 尺牘三十五

四

省餉急迫。萬分兵譁之咎。恒安能一人獨任。務望大力以錢清爲第一。大政。破州縣分批就延。積習設法趕緊籌解。無論如何爲難。旬日內外。必先將萬七之數到庫。各州縣稍稍完善者。恒皆飛書敦促。然近處惟貴縣可濟急也。手此再懇。敬頌升華。

鮑春霆提軍 十月初四日

日昨奉到廿八日環章。聆悉壹是。刻計錦帆順利。已抵皖城。想見旌旆凱旋。懽騰萬幕。

繆綸龍貢

督篤九霄。翹企祥暉。莫名頌臆。現在江北軍事。極爲得手。昨復攻破泥汊賊壘。收復無爲州城。巢湖以南。一律安謐。惟未識合

肥一帶攻剿如何。然以建瓴破竹之勢揣之。當不難於奏績也。萬八之數。已於初二日全交李大令。囑其趕解投納。以濟急需。解令一節。辱承雅諾。感極感極。鄒縣丞武安人。本愿練足徵賞。識之精。亦見愛才之切。當爲位置以副盛懷。肅此敬請助安。

李少泉觀察 十月初六日

廿五日縷布一函。此時復論計已在道。無爲又克江北之師。風馳電掃。羣賊不敢正視。何其壯也。每歎皖城復後。軍事如此之順。若得巨餉三四十萬。大爲彌補。豈非唾手黃龍之期。無如不能。何。江省自鮑精九萬清給後。又從妙手空空。制帥手諭提五萬金。百計圖維。必初十始有成數。姚縣丞虔餉三萬。原有截留。寶章齋類稿 卷之六十三 尺牘三十五 五

之議。旋議旋止。昨憲函諭及自由十九稟內聲敘不明。已續稟聲復。計此時前項早經投兌矣。完善一二十縣。連日專函提解。計念間可得大批。左帥處饒款既寥寥。信款復不允辦。月內必得數萬一濟涸苦。方可相對。周君忽然來談。議移晷。其人光棍陸離。言論過高。視天下事太易。然其博聞彊記。不可多得。昨言滬上現時。每月尙收四五十萬。任吳關道狼籍其間。莫如由制帥派弁月提一二十萬。以濟桐巢之師。較爲寔濟。恒以爲此議可行。渠日內亦即赴皖面陳也。新章事宜。漸有頭緒。恒重肩獨荷。一傳取咻。筆秃唇焦。堅持不動。寅屬中無梗令之蹟。亦是無一人樂從。現在密訪私查。欲求得實在確憑。嚴參貪吏一二人。

請斬盡棍一二人。通行知照。庶推行可期。無滯。不然。陽奉陰違。終恐無濟。恒於札外。禁斷供應。門包暨公費。不准先提。並專勇實發各縣札示。立取印收。此數事者。怨讟朋興。洋洋盈耳。幸而在江七載。蠅營狗苟。素所不爲。諸君能怨恨。不能挾制。究竟無如我何也。文通開府。自由忠烈。而發固不知萬難。授以廳事。濟以承嗣之汰侈。黔土恐非中華有矣。傑甫由承嗣晉撫。乃病中轉授撫篆。置海崑圖不護。售私恩。壞成例。不可訓也。品節詳明。求之今時。亦何難得。乃爾可爲喟然。手此布問。與居萬福。

吳竹莊觀察 十月初六日

昨奉廿八日惠書。敬承元旋防次。壹是安綏爲慰。鮑軍出江。此時計已全過。營頭過大路。人驚避。亦恒理也。無爲又克。此軍若趕攻甯郡。則大江南北。聲勢百倍。浙中亦得金底抽薪。江省目下信玉之防最重。衢嚴早清。乃佳。粵海克復。餘黨竄走。德融永

鄉近又戒嚴。亟盼楚師盡數。藏之庶江省無後顧耳。省餉本支絀萬分。鮑公九萬。益覺無從續籌。鄙人棉力弗勝。朶雲何日飛來。令人焦盼。潯屬地丁近稍起色。尙望隨時敦迫應付。以紓省庫之力。至荷至荷。率此復叩。動安。

鍾仲甫太守 十月初九日

疊奉廿六初二初三翼遞諭言。披誦敬悉。感佩無量。從來召募之師。易聚難散。然亦視平日營規何如。平江老五營者。自來西

江三易統帶。大率均失之實。至柳村則已重承其敝。無可挽回。蓋自樟樹復集以來。無日不以該軍內變爲慮。幾經設法。乃漸至信城。嘗論遣撤大軍。無其時。無其地。無其人。均萬萬不可生事。今肅清之時。信州之地。如我兄之人。寔爲萬難再得之機會。此論自中座以下。無不謂然。是以決計行之。持久不變。今統前後節目觀之。不知我兄費多少心血。始經辦竣。得不令人五體投地。且感且服耶。續增之四千。卽日趕辦。應請由尊處備文請領。始便放解。望速行專差送文前來爲要。至信州水師親兵薪糧。舊欠之數。與十月改章由省動支。亦應乞賜文送局。以憑議准詳定。其餘砲臺一切事宜應用之款。並祈臚列開陳。概歸一

寶韋齋類稿

七

案。以歸簡淨。至屈段唐三軍三月分欠餉。昨已由省放一萬零兩。委柳州判解去。茲承示提到萬金。均勻俵散。自應歸於該三營四月分餉開報。局文中亦已縷晰及之。統計省郡兩處二萬金。已足彌補該三營三月欠數。從此信防水陸諸軍向由省放餉者。均從五月欠起續籌。當以一月分放爲率。免滋膠轕。如何。江松圃觀察稟院之件。尚未到。到後卽當詳復咨明。信州今年情勢。與往常迥殊。想閩帥亦有所聞也。丁漕新章。在督帥出於萬不得已。自不便於信州獨苛。前次爲左帥商加抽濟餉。亦竊慮曾左兩帥之不能允行。今皆從罷論矣。縷縷率復。敬叩勳安。

曾袁浦觀察 十月初九日

頃奉前月廿六日惠書。欣詵大軍攻克泥汊神膝等處賊壘。後遂於二十日進取無爲州城。旋又有運漕河之捷。仰見前茅決勝。破竹崇勦。逃難捷音。曷勝敬佩。刻計乘勝進剿。席捲而前。風馳雨驟之間。聲勢早吞江左。降幡一片。不難卽出石頭城下也。幸甚幸甚。合肥一帶。賊勢如何。想成竹在胸。必有勝算。尙祈便中垂示一二。以廣見聞。惟苗練一股。已有叛迹。其黨張洛行擾及樊城。荆襄頗爲震動。亦心腹之疾也。江省烽烟甫息。民困未蘇。昨奉督帥丁漕減價章程。士民無不稱便。惟州縣積習太重。殊難挽回。雖大聲疾呼。頻催罔應。治標者宜猛劑。此時當以標實韋齋類稿

卷之六十三 尺牘三十五

八

曾濬生制軍 十月初十日

敬稟者。前奉九月廿五日諭函。飭卽速奏五萬金。爲前路得勝之師。稍資點綴。當將催提各款等情。於本月初一日申復。刻計已邀鈞鑒。連日據各縣陸續解到新舊漕折。並牙釐局趕提之款。其湊成五萬金。卽於十二日委員起解。以慰憲廑。惟左軍自七月解餉二萬後。八月內僅撥饒屬之餘安萬德鄱五縣十年地丁銀三萬兩。昨據吳守稟稱。一時尙難如數解完。雖經復飭

趕提。並令於本年地丁項下撥。以符前數。諒不至再行延宕。其餘浮樂丁漕釐金。類皆爲數無多。似此情形。殊爲扼腕。現在左軍督防饒廣。均與浙境毗連。寇氛相距匪遙。正在吃緊。籌防之際。必須趕爲接濟。以定軍心。擬俟各縣續有解款。卽爲季帥籌解二三萬金也。平江老五營數次譁潰。不遵調遣。七月間設法調至河口廣信。亟囑鍾守就近遣散。張詩華不足壓眾。前已逆知。初不料營哨各官。皆爲隊長所挾。幸鍾守靜鎮堅持。以二萬四千餘金。於前月廿九日一律遣散。其弁勇有赴李道元度軍營應募者。餘皆回楚歸農。堪以上紓崇注。專肅敬請鈞安。

劉養素觀察十月初十日

寶韋齋類稿 卷之六十三 尺牘三十五

九

前奉復諭承毅然以勸導輸糧爲已任。讀之感極。承商欠餉必應清釐一節。司餉之人與統帥各有不得已之苦。總之饒裕則一切都好商量。頃與釐局諸君再四酌商。無已。則將坐支與解錢兩節。統以本年年底爲止。照前辦理。開年則請依局議以行。已另備公移奉達尊照。想荷俯諸。閩督忽咨調貴部各軍入浙。已卽日由局將水勇土著師船過大及數目並無三千。逐層詳請咨覆矣。浙患方棘。次青一薛居州。恐亦無能爲役。季帥開鎮信玉。制帥欲以徽饒兩郡併囑之。奏請節制專奏。得此則東園益增堅固。可慰可快。南邑輸糧若何。望督促成此大惠也。手此載叩勳安。

李次青觀察 十月十一日

朔日草復寸箋。何時可達。日昨奉到初四日安仁街手諭。欣悉臺是龍游未得卽攻。聞此處悍賊不多。自可一攻卽下。蘭谿以西臺聚處。自宜以全力搏之。嚴州情勢如何。若嘉興之賊。大困湖州。則杭城有繫卵之恐。慶帥督閩有年。每次出師奏捷。今援浙。實浙中一大轉關。尤喜大蠶所臨。調餉甚便。我公窮坑。此時得以填滿。浙之幸。尤雄師全部之幸也。江省窮迫萬狀。然如尊處三竿之數。實不過飽軍巨款之平餘。若吝之其誰欺耶。第此中難處。已由春園抄件交來。弁密呈想。已早經察閱。只可付之一歎耳。張營事增至四竿了之。然聞自縊都司一人。此輩亦殊可憫。雖時會所迫。而捫心能無惻然。左公開鎮信州。足爲貴軍後路增勢。曾帥將以信徽饒三郡軍事。疏請節制專奏。亦誠合著。無爲續克。廬郡得多軍臨之。必可卽復。克皖城敘功。曾帥督宮保。官胡兩帥晉宮太保。希安得黃馬褂。多楊均雲騎世職。袁浦觀察臬司記名。並徽銜黃馬褂。漢臣中兄弟並得此物者甚少。亦佳話也。皖北之師。意氣方盛。能於此時以諸葛得力之二字出之。石城降幡。指顧可觀矣。叔牙一軍。尙無行抵池州之信。咨且可想。早攻甯郡。亦爲杭嘉疏通。盼切盼切。少泉兄回營後。至今無一字。忙狀可想。而知京友八月杪書來。一切清明。想望太平。嗚呼。稱頌。初九 登極。天氣清明。尤爲幸事。江味根奪情。

寶韋齋類稿 卷之六十三 尺牘三十五

十

權黔撫篆。未識何人刻章。苗事近日無所聞。有云仍可挽回者。然乎否耶。縷此復叩捷安。

李少泉觀察 十月十三日

初三日奉布寸箋。何時可達。日昨奉到廿九日賜書。欣悉臺是。賀成兩營已遣散。餉事較省。此間劉丁張陸路三軍。同時撤去。張之老五營。最爲吃力。得左軍之威。猶費銀二萬四千餘金。非仲甫威惠兼施。將並受遣而不得。易聚難散。乃如此。勇禍誠可慮哉。頃次公初四日衢州書來。知杭州以廿日被圍。湖郡亦另股攻撲。又分起渡嚴江。圖犯諸暨。以攻紹興。浙患勢不可支。而次公一軍。方以覓食不得。徘徊不能進。此間援浙之款。已奉制

寶華齋類稿

卷之六十三 尺牘三十五

十一

帥奏脩。即使庫有餘金。亦不能爲次公破例。況實實窘迫無奈。鮑公若不早攻甯國。恐杭城不可保。則東南財賦盡矣。江北之師。踴躍無前。無爲告克。即奪回運漕河。廬州得多軍臨之。唾手可得。克皖敘功。制帥得官保銜。而九先生泉題藩銜黃馬褂。亦見推恩深意。雪琴與味根。一撫皖。一撫黔。足張吾大國楚。唯吾宗嗣胡帥撫鄂。難乎爲繼耳。中朝用人。咸符輿望。令人歛服。無地。糊名以杜倖門。則眞才自出矣。精牙並保四員。已奉制帥批允。支應復設專局。亦荷允行。五萬金頃始得解。新章某月分餉之批。綜覈深切。益難乎其籌解耳。石令欠解之款。頃始清訖。旬日內可起程。角里能不爲臧武仲乃佳。手此奉復。敬叩動綏。

李少泉觀察 十月十七日

頃聞奉到十一日手諭。適接大先生是日來書。金友玉昆。同日問訊。亦交誼中佳話也。卽維荏營後公私屏當。均已就緒。極慰渴想。此間五萬。望日始得開行。由陸運潯之議。勢在必行。續解卽宜照辦。湖口可無重局矣。頓局又交丁玉生解四萬。尚未到省。大先生善抓錢。佩極佩極。東征局亦有三萬。此時計已解到。若滬關可月提若干萬金。則此後豫大豐亨。逐漸疏利。誠佳事也。春霖薪資月成八百。初七日發申詳文。郵遞遲遲不到。可慨。甯郡何時進攻。宜速行以鬆杭州之勢。慶制軍駐節三衢。廣郡益資屏障。次公一軍。或可免於一潰。東防萬分堅穩。左帥節制

寶華齋類稿

卷之六十三 尺牘三十五

十二

奏事。事權專一。尤爲裨益。唯潯州餘匪。潰走全永道州。又將闖入桂陽。窺我龍上崇庾。日前中丞以南路空虛。聞蕭中丞舊將王心初司馬沐已回湘鄉。卽經札飭召老勇二千。星赴吉郡。並由司籌行糧五千金解往備用。不識能否趕及。現在贛南吉三都。自守有餘。剿賊不足。吉臨菁華地也。那堪再擾耶。江北忽有苗逆之變。聞所部精銳殊甚。果否。三年以來。養虎者何人。奇瑜嗣昌往事。可痛。味根竟又承嗣所保。有草之田。無草之田。唐末禍端。思之心悸。此間豈是如常。前上各起呈詳。唯七君子一件。尙未奉到批示。餘均照件卽速趕辦。免數不能懸定。已飛促各郡登復。核飭辦理。以免展轉駁斥。轉滋延閣。至現在各州縣。均

經早飭按應征之處。一面催征。焉能拘泥例文。停征候勘耶。中座促解本年京餉甚急。隣人頗以桓偏重征饒爲言。固不知冬臘辦解兩批十萬金。儘可操券。桓一力兼總藩糧臺局。理應八面俱圖。惟輕重緩急間。不能不有所稱量。非敢一舉一廢也。且試問數月來。甘萬漕銀。催提解濟。任勞任怨者何人。享清福者何人。不反已而責人。不知感而造謠。以致京徽兩顧之論。主者徵色發聲。桓何所利於其中。而甘攫此不遑邪。兩姑之間難爲婦。鄙人事事不敢稍偏。不圖娣姒行乃若此。任事之難。此所以五體投地。佩我兄不入宦場爲超超乎不可及也。特在至愛如手足。用敢傾吐所懷。孤掌支持。病軀踈踈。拊膺太息。如何可言。

寶章齋類稿

卷之六十三 尺牘三十五

十三

續續復叩勳祺

王心初刺史 十月十七日

間關道阻。音問久稽。遙企勳華。彌深馳系。比聞賢勞暫息。返旆里門。卽維履總恬綏。篋纓謫吉。至以爲頌。江省自上年以來。數爲寇擾。幸藉左鮑兩軍之力。得以次第剿除。復經督帥咨請左寺堂開重鎮於廣信河口之間。以爲東路屏障。風鶴無警。邊境肅然。方謂民力漸紓。可期安枕。詎石逆一股。探稱復有。由楚假道入江之說。以寇氛之驟忽。亟宜先事預防。然簡將練兵。究非易事。雖經督帥以贛南吉三郡。責成李筱泉觀督周念慈太守暨陳伯陵鎮軍。嚴爲防堵。而多多益善。於剿辦更易奏功。稔知

麾下銘略精深。戰勦卓著。又以同官之誼。諒殷共濟之心。因卽稟商中丞。當蒙首肯。承欲以章貢長城。屬之左右。茲特奉上院文一角。卽乞督收。務祈爲蒼生而卽起。念大局之攸關。迭集戎行。星馳載道。倘藉威福。使該逆不敢逕犯虔南。固江省之幸也。卽或豕突狼奔。狡焉思逞。而得確師迎頭截擊。不致深入屬。亦君之賜也。張萬福草木知名。趙充國先聲却敵。引領西嚮。鶴戾良殷。至餉項一節。已籌備五千兩。卽日委員管解起程。逕赴尊府投交。以爲先發行糧之用。其帳房器械子藥。亦卽趕辦解赴吉安守候投收。專肅敬請勛安。

左季高京卿 十月十八日

寶章齋類稿

卷之六十三 尺牘三十五

古

前奉環諭。以丁漕新章之外。未便加增。諄諄垂示。仰見識量闊卓。裁度精詳。覺前此率爾而陳。未暇深究。君子務其大者遠者。益令敬佩靡涯。旋奉督帥復書。亦與尊意相合。英雄所見略同。於此益足信矣。頃間又奉到本月初四日鈞函。敬聆壹是。平江五營。勢不能不遣散。尤不能不設法調至廣信遣散。此中情節。諒早鑒及。仰託威福。得以二萬四千金了結。誠幸事也。然非曠以大義。懾於軍威。恐未必卽能帖服。感極感極。浮樂兩邑。一律發示。此時當已詳達水案。惟州縣積習太重。一時難於滌除。絕不以此次減徵。爲紓百姓之力。徒認鯁然。錙銖計較。意存阻撓。恒當官而行。應辦則辦。知不獨見怨於屬僚。祇求無愧而已。僥

陽二萬之數。近日疊據稟報。將次解完。緣月初復飭吳守趕提本年地丁項下奏撥。以符前數。各縣完解較便也。但軍餉浩繁。卽令此數解完。亦屬車薪杯水。翹脣台旂。歉悚良深。惟有趕提各縣解款。由省奏至大批。委解大營。以資接濟。專肅敬請勛安。再正封函間。奉到曾帥來札。以大營需餉方急。飭於應解安慶餉內撥解二萬赴信投收等因。適賴局委員管解皖餉四萬金。在省經過。因卽照札截留二萬金。卽日委員解赴台端投收。以濟眉急。先此附陳。載叩鈞安。

曾滌生制軍 十月十九日

敬稟者。前將籌解季帥軍餉一節。於初十日肅稟。附陳諒邀鈞鑒。頃奉憲台六百里排單飛札。以左寺堂營餉支絀。已由安慶

寶韋齋類稿 卷之六十三 尺牘三十五

五

撥銀二萬兩委解投交。因路途險遠。恐有疎虞。復將前項銀兩改放皖北各營。飭臺將應解安慶餉內撥銀二萬兩。委解左寺堂大營經收。毋稍延誤。等因奉此。遵查左寺堂營餉本應由糧臺籌解。前因奉提徽營月餉五萬兩。嗣又趕辦靈營月餉九萬兩。以致左寺堂月餉無出。僅於饒州府屬之德興萬年餘干安仁鄱陽五縣札提地丁銀三萬兩。飭由各該縣逕解左寺堂大營兌收。旋奉左寺堂來咨。各該縣未能全解。職道正在竭力張羅。復奉憲台札飭安慶克復後。南北兩岸。分路進兵。迅卽籌措餉銀十萬兩分批起解。職道當於牙釐丁漕項下。儘數湊銀五

萬兩委謝牧得環領解。本月十三日起程在案。茲奉於安慶餉內撥解左寺堂二萬兩。自應遵照設措。惟司道庫及釐鹽兩局甫經撥解。尙無存款。卽向省外各縣卡嚴札催提。亦恐緩不濟急。適賴南李道委前署廬陵縣丁令日昌領解安慶餉銀四萬兩到省。伏思省領兩局。皆安慶餉銀。既蒙憲台軫念左寺堂大營兵勇數數。當可通融辦理。職道不揣冒昧。謹於賴餉四萬內扣留二萬。委解左寺堂大營。期無負憲台一視同仁之至意。一面趕緊設法湊足前數。尅期起程報解歸款。所有扣留賴餉緣由。理合肅稟憲台察核。恭請勛安。

李少泉觀察 十月廿三日

寶韋齋類稿 卷之六十三 尺牘三十五

六

七日前手奏寸箋。何時可達。史士兄來。詢悉公私冗極。念甚。此間壹是如昨。惟提款絕不應手。焦灼萬狀。連日將風聞南廬二邑抗匿新章之事。訪查得實。已於廿一日會商安兄具詳嚴察。昨早分別送遞計已入覽。用里爲人早經洞悉。無待贅陳。獨安定隨謹書生甫歷星龍二任。遂沾染惡習至此。殊出意外。而此事已膾炙吉人士之口。必應從重劾參。憶客夏密陳宮保清軍曾列之上品。觀人之難如是。兩太守有意含糊。實爲不肯遵斷。餉賄而然。若專參縣令。則府署苛索向規益甚。州縣從何分潤。勢必益虧公帑。正本清源必宜並効。時已十月新章尙無明效。及早嚴辦數員。貪風自可少止。解款可望暢旺。惟恒招怨過甚。

實屬無可如何。諒與不諒亦不求諸人。但反求諸已而已。向例

錢漕事宜歸巡撫主稿具奏。此案是否中丞允爲卽日出奏。桓

不便面叩。緣自新章到後。又老每多游移之詞。總由外任年深

發於不覺。並非別有意見。屢請其實力主持。概以官話答復。是

以官場有撫諒下情。藩特中格之議。若桓再與委蛇。則煌煌大

文。可作廢紙。良法美意。盡付子虛。非特餉事空懸。抑且院體破

壞。此尤爲怵心者也。惟新章未經出奏。此案摺內應敘事由。總

須參以活筆。既妨部吏挑斥。亦留明歲再議。永章地步。又老處

極亦當面及。並望留意及之。至王何二公風流罪過。亦只能薄

示薄鞭。但求諸位二千石不再飾延。則幸甚矣。再頃奉宮保飛

寶章齋類稿 卷之六十三 尺牘三十五 七

札已飭弁解二萬赴左軍等因。查前奉憲文飭臺於解院餉內

以二萬解信。適額餉四萬至省。而臺庫提款寥寥。遂分出二萬

委解左帥。今又由大營分解二萬。自未便復將分出額項截回。

惟有趕籌二三萬金。趕解安慶以圖彌補而已。除由臺詳復外。

並乞便中代稟宮保如何。

吳鈞甫太守 十月廿四日

飛啟者。省餉匱乏日甚。專盼各路錢漕解濟。饒屬撥解左寺堂

三萬金。係專指新舊地丁所有本年新漕。自應趕徵解省。除浮

樂兩邑外。其餘五縣。相當卽日手函提取。特此奉請先飭該五

縣迅速開徵。以備批解。並希將丁銀撥左三萬兩。實已批解若

干未完若干。開單示悉。手此卽叩升安。

李少泉觀察 十月廿六日

廿三日縷布寸箋。何時可達。南廬之事。昨辰牙參。奉又丈面諭

本應卽日據詳參發。唯此次新章未經入告。誠恐徑情直達。於

來年更議。大有妨碍。擬卽日擬出疏稿。加函飛致宮保密商。俟

復到再行拜發。又屬桓處切實函知尊處。務須參用活筆。第一

宜妨農曹執索解京。不能答復等因。桓查廿三日函內。已將各

情陳乞留意。此番議計。與鄙見一一相符。特此再行遞塵清聽。

新章札行後。各州縣敢於違抗者。一以畏慮更張。並失大利。一

以事未具奏。有挾而爲。記本月初間。亦已叫破此層。爲首府縣

寶章齋類稿 卷之六十三 尺牘三十五 太

各局員言明。督撫効參屬員。原不必指明事由。多則八字。少則

四字。亦卽勒休革職。包括在內。此易易事耳。卽使必陳事由。則

案湘鄂舊事。早經奏准有據。此次江省雖未豫先奏明。然亦不

過於疏首稍敘活筆數語。卽入正文。亦非難事。豈有督撫効參

屬員。而樞部轉執未經先奏。謂爲督撫誣參。上司誤揭之理。又

其時有謂此時減收入奏。則前此浮收恐干嚴詰查辦。而現在

猶屬浮收。不知積久之弊。可以抹倒。辦公之名。見諸奏案者尤

多。今聆又丈所云。始悉前所陳撫諒下情。藩特中格之議。有由

來也。嘻異矣。南廬兩缺。又丈就近慎選。以孫署南唐署廬。洵爲

合作。孫以糧臺文案兼縣。與震軒以提調兼府。事同一律。頃已

面告毋庸推讓。且糧臺文案近日要件頗稀。蔡友舜臣核稿肯
改亦已精熟。不過得雪鴛覆核。桓稍稍省細思耳。手此率復敬
叩。勲綏。

曾漣生制軍 十月二十七日

敬稟者。前將截留額餉二萬撥付左寺堂軍營。當於十八日肅
稟上陳。計邀鈞電。頃奉十九日環諭。祇聆壹是。仰見籌精念切。
盡畫精詳。並於丁漕減價新章。亦蒙垂注。誦繹之下。欽悚難名。
竊思減價新章。恤民裕餉。兩有裨益。職道於奉行之初。念係更
張大政。恐不肖州縣。不遵提解。無從考校。即經發給實示人役。
印牌粘貼空紙。飭令逐縣取具收到日期。蓋用印信。以憑核對。
寶韋齋類稿 卷之六十三 尺牘三十五 七

本月初旬。風聞竟有匿示不貼之處。又於資發職道與吳道申
明。憲示膏勸輸將告示。仍取各縣印收之便。另將憲台會銜告
示檢交一紙。粘附堅實空白皮紙。遞派粗知書寫勇丁。分爲九
路。飭令於所過之處。見有張貼憲示。即於空白紙內注明地名。
並某縣所管字樣。原因此案關係至重。誠慮通省州縣。協力把
持。但憑收到申文。類皆陽奉陰違。並未遵辦。若委員分查是否
遵貼。則徒爲佐雜開生財之路。萬不得已。先之以印收日期。繼
之以沿途帶訪。悉用勇丁。取其粗直。不至因緣營利。必能查對
得實。以便嚴參。乃覆查各路之勇丁未回。而南昌廬陵兩案已
經察實。遂卽於本月廿一日會詳嚴劾。此時計塵慈鑒。茲奉諭

及潯屬亦有匿示情弊。容卽查明辦理。再承諭以江西劣營撤
遣殆盡。所少者應另籌佳營。駐紮撫州。策應各路。查昇字一軍
現奉中丞調紮該郡。昨因石逆窺伺楚疆。有假道入江之說。當
經中丞札調王丞沐招募精壯二千。卽赴吉州。以資調遣。查王
承前在蕭營。尙稱得力。倘能治軍嚴整。訓練戎行。上游有此一
軍。於防務亦大有濟也。肅此敬請鈞安。

吳竹莊觀察 十月廿八日

前奉中澣寄書。匆匆尙未奉復。昨早讀制帥公文。欣悉貴部有
江北之行。正在通算欠發之餉。至十月底約共九萬六千有奇。
而庫局空空。焦灼無地。夕間使至。接廿四日湖口手諭。具悉種
種。皆昨日自辰至脯。往來心胸。而求諸庫局而不得。轉圜之法。
此中耿耿。如何可言。七月以來。進款寥寥。而至今出項亦三十
餘萬。恒誠不自菲薄。敢謂催提無方。第鑑鉢積之車斗揮之與
者。辛苦得來。受者所益毫末。艱難之狀。洵七年來未有。非公祖
前不必談。他處談及。皆以爲誑。奈何奈何。大軍何日渡江。計不
久留潯郡。頃已飛札潯守作速提解。源源濟運。省中空四盡。
請二三月分餉者。朝夕來見。無以應之。竟不能提得若干。委解
潯湖。以爲渡江之助。潯屬五縣。前次一雷。稍稍振拔。今又如此。
已由臺通查營收解數。擇尤詳參。適昨將抗違丁漕新章之南
昌廬陵兩縣詳劾。職業已抄詳通行。潯屬自當無抗。則丁銀

寶韋齋類稿 卷之六十三 尺牘三十五 二

總較旺耳。江西州縣積疲。恐爲今時之最。呼之不應。或鞭之可起耶。角里不足責。獨安定醕謹書生。沾染惡習。其速如此。可爲深惜。承示江南公啟。文筆甚雋。獨慮事仍難行。苗狗肘腋爲患。能於今冬了清。則海上之師。方可免卻顧也。書生談兵。每過持重。公能無嗤其迂謬邪。手此敬叩。勳祺。

李次青觀察 十月廿八日

疊奉初五十八兩次惠禽。敬承壹是。制帥五竿之批。竟有抄寄台端者。桓奉到時。適少公以斷絃來省。談次但有欬嗽。爲戲下賁屈。臺吏旋以移行稿送判。卽經存內未發也。江庫支絀萬狀。卽無此批。亦是無能爲力。慶帥旣莅三衢。必能爲前驅之師。資寶章齋類稿 卷之六十三 尺牘三十五 主

一痛飽。獨是蕭紹並陷。浙省財賦已空。且杭垣專賴糴米。今錢塘一水。實主其之。憑何言守。可憂之至。引領東望。焦灼何如。此間患貧益甚。不才實不能支。明保已奉部行調取。詳請被留。推文廉訪代藩。復奉駁斥。是直逼人致死而後已。想奴出家。原非本心。讀思凡一齣。雖不肯悔。而不能不嘆命運不辰也。江北事甫有轉機。而苗狗忽合從肆虐。壽春陷後。翁帥死同梁武。狗眾方聚廬壽聞。希禮兩軍。次且不敢遽進。待兵齊餉到。始議分攻。恐羽翼已成。不但曠時兼虞挫衄。而潯州餘黨。方將與蜀中秀西郎中成鳳。兩起竄逆。合并目下尙未知所向。不趨荆襄。則走寶衡。此間總承其敝。又聞洛陽東西皆賊。潼關蒲陰均已戒嚴。

大河南北不知因何道梗。此月初一來板。卽由棗城西出井陘。西安鄭襄漢潯而至。尤可恠也。縷復恭叩勳綬。

李少泉觀察 十月廿九日

十三日奉布一書。何時可達。廿日接誦十一日環諭。適玉生已至。並詢一切。欣稔侍社駢綬。公私雙暢極慰。念閣又有三草。不盡之藏。令人五體投服。此間本只有河口一局解省。今奉文歸左寺堂。僅餘撫建窮小局分一座。彭小公奉派接辦。制帥以年老駁令另委。勉令程心農。暫行庖代。因思樟鎮事簡。前兩奉手書。商及歸萬近兼。未審已有公牘否。如此舉可行。則謁堂司馬當求吾兄。讓給爲撫建分局總辦。以資熟手。至牧如兼樟。亦經

寶章齋類稿 卷之六十三 尺牘三十五 主

面商允諾矣。從前承索萬未應。今轉而索李。可乎否乎。是在吾兄因地因人。一爲評量而鑒原之耳。敬塘已出省。角里事載奉院駁。有百年後又將誰屬之語。又近決裂。望慈悲調護。安速交卸赴南安任。且與制帥虔南設守奏案相符。至妥至妥。冗中不多及。且此敬叩勳綬。

李少泉觀察 十月廿九日

廿六日奉布一書。廿七日捧誦廿三日手諭。知初七日一緘已達。此時計十九廿三兩緘亦次第到矣。壽事得霍山稟報。始悉其詳。翁中丞罹此慘苦。可痛可痛。江北局面倏爾一變。自非分路合攻不可。海上之師亦不可少。第勞師襲遠。目前尙非所宜。

耳江南乞援書自是佳作但其中仍多泥古之處然否大營撥
左帥二萬應卽起解彌補茲由牙局提齊二萬金翌朔登舟初
二解纜如轉北風卽由陸赴潯交丁軍水運也頃又丈過訪謂
丁漕改折錢文先未奏明昨將摺稿排遞制帥細思此係漏義
屬卽飛書台端專及此節並囑轉稟制帥務於稿內從實改正
以便照繕等語桓窺其情詞並無僞飾虛懷亦稱難得特此務
希轉稟及之雪筠已得委札數日內卽當視事致件已交復叩
助綏

寶韋齋類稿

卷之六十三 尺牘三十五

五

寶韋齋類稿卷六十四目錄

尺牘三十六 辛酉年十一月

湘陰李 桓輔堂

李少泉觀察

李少泉觀察

周葭浦大令

盛愷亭太守

單藻林太守

王小初太守

鍾仲甫太守

盛愷亭太守

寶韋齋類稿 卷之六十四 目錄

一

李少泉觀察

吳鈞甫太守

王心初刺史

左季高京卿

曾滌生制軍

李少泉觀察

楊素園大令

沈蔭庭大令

唐梓臣大令

何廉昉太守

彭雪琴中丞

李少泉觀察

左季高京卿

李少泉觀察

萬簾軒觀察

鍾仲甫太守

晉滌生制軍

李少泉觀察

李少泉觀察

左季高京卿

王心初刺史

寶韋齋類稿 卷之六十四 目錄

工

李次青觀察

畢寅清大令

黃玉波大令

魏寶甫大令

李少泉觀察

李芋仙大令

沈幼丹觀察

李少泉觀察 十一月初二日

廿九日草布數行言參案。何時可達。朔午奉廿五日手諭。並萬孫兩公函內鈔件。一一誦悉。壽事如此離奇。正不知翁公創此兩稿時。老苗曾在座否耳。臥雪致討。已見明文。翁公遲早均不得免。局勢新翻。從何著手邪。淮揚九月子藥。因委員患病。改令馬從九解。致有延闕。上月望始克登程。十月分已辦妥。即日委員領解矣。虔南尙不甚急。王心初度可趕上。靖州方警。粵賊似非急於枉顧者。調取乞替。文來請代。一詳一稟。中丞均駁。命宮磨竭。慨嘆何如。制帥能沛大恩。姑令閒散。則感戴實有涯量耶。天色晴和。餉員可免遵陸。已由水路行矣。致萬孫信均送交。手寶韋齋類稿 卷之六十四 尺牘三十六

此復叩勲綏。

大先生又委員管解三萬。以廿日自領登程。勇哉勇哉。劉方惠一案。業已由府詳到請銷。即當詳院開復完結。

李少泉觀察 十一月初三日

廿九日草布數行。申借才之請。何時可達。昨展廿五日。惠玉忽承獎注。逾常。讀之駭汗不已。多年昆弟。不策屬之而恭惟之。何也。史書青解款。計日內可過省。大營以鮑軍添一營赴甯國。盼餉方亟。得尊項前後五萬。省中所截解左者。日昨已如數彌補。委解起程。共計七萬金。或當少助。靖州甚警。似石黨不即走江境。承詢省中添募二千人緣由。記局中已備贖奉布。前因三軍